

ea quam supra proposui conjectura acquiescere, quam temeritatis crimine onerari malo. Silentio interea praeterire nequeo lectionem Cod. Kenn. 291. a KENNICOTTO praetermissam, quae aliquid roboris interpretationi vulgari addere videtur. Habet nimirum in margine Keri נְשָׁמָה, apertum itaque testimonium exhibet, lectionem hanc olim in codd. etiam hebraicis fuisse longe, quam nunc est, frequentiorem.

OBSERVATIO II. AD Ps. VII, 9.

Postquam in antecedentibus versibus vates precibus ad deum fusis questus erat de hostium injuria, falsisque quibus famam illius aspergere solebant criminacionibus; innocentiam suam tandem a deo vindicatum iri sperat, illumque ad ultionem provocat. Sistit itaque deum tanquam judicem in tribunali sedentem, cinctum populorum corona, atque sententiam contra iniquos e coelo quasi pronunciantem. Sur-

ge, inquit, *Jehova ulti*, contra hostium
 meorum furorem te extolle, ad sis mihi tu qui
 justitiam pollicitus es. *Cinctus sis gentium*
agmine, summumque tribunal concendas.
Jehova, gentium judex, de me quoque sen-
tentiam secundum probitatem integratatemque
meam pronuncia. Turbat in hoc versu sen-
 sum vox עלי eumque maxime frigidum
 reddit, si vertatur: *quae est penes me.* Quae
 vocis עלי significatio ne quidem exemplis
 probari potest, cum ea quae afferuntur
 Ps. XVI, 6. XLII, 5. et Hos. XI, 8. a no-
 stro loco, et sensu, et dictionis forma aliena
 sint. Si conjecturae locum hic darent ve-
 terum interpretum codicumque manuscri-
 ptorum varietates, suspicarer pro עלי le-
 gendum esse אלי vel עלי: sed nulla in his
 deprehenduntur lectionis corruptae loci-
 que adfecti vestigia, quibus audacior ejus-
 modi coniectura tueri se possit. Alexandrinus
 enim, Vulgatus, Aquila, Symma-
 chus, et Hieronymus vocem עלי ad ver-
 bum, quamvis inepto et languente sensu,

exprimunt. Omittunt illam quidem Syrus
 atque Arabs, sed magis fortasse quod
 pleonastice illam hoc loco positam arbitri-
 trati sunt, quam ob codicum quos secuti
 sunt a consueta lectione aberrationem.
 Chaldaeus supplet vocem פָּרָע which alias
 hebraico גַּמְלֵן responds, ut v. c. Ps. XIII,
 6. ejusque auctoritatem secuti HVBIGAN-
 TIVS et KÖHLERVS, in hebraico etiam tex-
 tu vocem גַּמְלֵן post שְׁלֵי inferendam esse
 monent, eamque ob soni vocis sequentis
 יְגִמְרָה similitudinem facile excidere potuisse
 afferunt. At enimvero neque Chaldaeis in-
 terpretis auctoritas, in ejusmodi ellipsisbus
 supplendis suo i. e. paraphraستae jure uten-
 tis, tanta est, ut unico ejus testimonio fre-
 tus refingere textum hebraicum, novisque
 verbis ditare auderem, neque nostri loci
 ratio ita comparata, ut ad ejusmodi reme-
 dium confugiendum nobis esse videatur.
 Melius fortasse sensui hujusce loci succur-
 ritur, nexusque orationis restitui potest,
 si mutatis tantum punctis vocalibus, aliaque

versuum divisione instituta, vox עלי enunciata יגמר jungatur verbo sequenti in Niphal יגמר pronunciando, quocum etiam Ps. LVII, 3. עלי junctum, et simili modo Ps. CXXXVIII, 8. cum בעדי constructum deprehenditur. Sensus inde prodit probus, atque orationis nexui consentaneus hic: *perficiatur, desinat mei causa iniquitas vel malitia perversorum, i. e. finis illorum conaminibus me destruendi imponatur.* Ex parte eandem interpretationem praeivit illustris MICHAELIS et S. V. SCHVLZIUS, quorum ille יגמר legendum, hic etiam עלי cum hoc יגמר conjungendum esse statuit, in eo tamen a nostra explicatione diversi, quod ille vocem עלי prorsus tanquam pleonastice positam neglexit, hic adscita alia verbi גמר significatione, reliquis locis ubi idem verbum occurrit parum conveniente, interpretatus est: *depellatur a me malorum iniquitas.*